

易

簡

齋

詩

鈔

在昔耶律文正以間世之才崛起龍朔功在王室學爲儒宗六百年間音采未沫景行前哲方待偉人如我簡勤和公者際

累洽重熙之聖不必以戡難禦侮爲功備喉舌心膂之臣不必以決奇制勝著績然而書破萬卷學窮百家強識博聞敦行不怠抑亦文正之流亞歟公挺河嶽之英應璣衡之曜有模楷之範爲宋棟之資孜孜窮年娓娓好學其始也雖名胄華閥而惟事縹緲其繼也雖南北東西

而必攜鉛槧其允升也雖高牙大纛不廢雅歌  
其耆艾也雖黃髮兒齒猶事綈素可謂聿修厥  
德終始於學者矣溯其登進士厯農司行春頒  
朔徧江皖之區布雨宣風慰秦蜀之壤然而魚  
通萬里鶯嶺八年暫臨東維遽撫西域七十歸  
朝仍莅遼瀋地窮天盡夏雪春霜經行者身毒  
頭痛之區撫循者吞刀吐火之俗西則雷音天  
竺蘇祿屬賓東則元菟帶方鴨江魚海莫不布  
朝廷之恩信問絕俗之痼瘼籌渠漕以阜邊氓

開屯田以裕軍食馬如羊不入於廩金如粟不  
納於懷遂使東溟永清西戎卽敘佉盧就譯侮  
食輸實固已圖像營平生祠定遠報太僕而指  
心城拂雲而息燧功德所被偉矣遠矣追躋大  
耄爰佐樞衡爲虞臯陶若周申甫不言溫室而  
丹青炳如密補袞職而黼黻斯燦更厯

三朝夷蹇一節雖梁木其壞而遺馨益昌是謂  
老成是謂國紀平居所學邃於韋編著有易說  
弄藏家術若夫城名小錄地理新書等桂海之

虞衡擬鐸椒之檣杙皆可備隸首之紀綴山海  
之圖至於範水模山感時體物韻緝雅頌擬按  
風騷乃歐梅之替人奪蘇黃之右席既能思精  
體大亦復趣遠旨超自成一家何有餘子篋衍  
殊富以約斯鮮今易簡堂詩鈔四卷手所定也

鶴

少侍先府君蕃宣齊魯適

公式是東邦披

扇底之數言割牛心之幾片謂其造詣所到不  
減竹垞老人施曲木以朱藍賁龍章於卉服獎  
臧逾分顏汗至今及公暮年嘗以暇日置酒

相酌從容曰予詩數卷他日子爲我輯之遺言  
在斯寢門已哭安放安仰焚如怒如屬奉使兩  
河公之子文甫太守星泉刺史以是編相授曰  
是先子之命也子不可辭嗚呼星落麟亡氣已  
還於箕尾芝焚蕙嘆感無間於元壚謹抽自公  
之暇讐其亥豕旣已卒業綴言於首若夫立朝  
之節方面之勲具有

國史根本之行忠孝之悃盡在家範遠則彌耀  
茲不備書

道光三年歲次癸未孟秋之吉東吳姪吳慈鶴  
頓首拜序

易簡齋詩鈔目錄

卷一

詩一百五十三首

卷二

詩一百七十七首

卷三

詩一百二十九首

卷四

詩一百一十七首



易簡齋詩鈔卷一

蒙古 額爾德特和瑛 太莽

丙午

太平府解八詠

門對青山

府治爲晉桓溫故居青山在其南謝宣城李青蓮遺跡尚存

姑溪城郭隱蒼灣五馬門高夜不關競說袁桓  
留勝蹟更逢謝李共名山登樓覓句人皆古挂  
笏看雲政自閒此郡太平真有象大江波湧碧

如環

堂開翠柏

堂燬於明季國朝重葺翠柏數百株相傳爲漢晉閒所

植

笑問堂前柏子禪  
霜皮黛葉幾多年  
人閒似鶴衙同放  
州冷如村石可鐫  
鐵幹直留千古月  
綠雲深鎖四時天  
定知燕雀難巢此  
應著蓬萊最後仙

桂苑秋香

寅恭堂之北有柏山亭其北有桂二株

聯翩秀色覆西堂  
不記歐顏記沈郎  
天上名仙

攀紫府月中閒地屬丹陽風霜搖落花能獨桃  
李紛披樹已蒼倩語主人勤護惜年年留取出  
輪香

桐林月影

雙桂軒之西曰自公  
堂其北桐樹三株

龍柯繞屋碧幢幢報我新秋一葉降入夜寒蟬  
飄露瓦倚天韶韻響風窗閒亭似照青鸞舞怪  
石疑留白鶴雙主領青光憑記取姑溪繁浦共  
蕪江

明樓遠眺

府治後宋時郡圃有小東山  
明祝詠建明遠樓題云曠覽

遙青

傑閣觚棱足臥遊公餘倚檻自舒眸遙臨古巷  
空懷謝近背名山恐笑歐白紵長懸明月照翠  
螺空指大江流齊雲遠景無多記合記平南清  
德樓

射圃閒情

宅東北隅建亭南向予題額  
之無爭聯云正己而後發反

求諸  
其身

映綠含青圃半蕪繞牆少竹喜多蘆移花不問  
輸蕉戶沽酒何勞索蟹夫別有閒情懸一鵠敢

誇絕技中雙鳬此亭聊取無爭耳射者由來有  
似乎

古樹晨煙

種

亭東船廊名坐樹軒其樹松  
柏楸杉槐榆梅梧冬青數十

平林東護鵲巢廳占得風煙歲屢經雨足閒雲  
鋪夏綠日高湛露滿冬青青虛散步塵心洗沆  
瀣朝餐睡眠醒從古樹人同樹木好將豐樂以  
名亭

石臺夕照

園之艮維有石臺高倍尋相  
傳爲桓溫將臺又云周瑜舊

蹟

醜凸深凹俯郡譙竹兄梅弟映團蕉林閒暮景  
疑催鳥江上殘霞似捲潮十萬軍容沈采石三  
千歌舞靜凌歊登臺自古難堪此不獨英雄恨  
六朝

贈雲在上人

白社逢高衲閒題四壁詩向空心已淡於我意  
俱遲夢覺澄江遠仙凡野竹迷山蔬風味好聊  
可話心期

五溪橋望九華山

驛路青陽比蜀難五溪橋畔想征鞍分明坡老  
壺中景馬上於今面面相

黃湓浦渡江遇風

遠檣出沒隔蓬島駛如點翅蜻蜓巧金龍有靈  
施無患奔流遠稱帆力飽須臾震起吸江風浩  
浩黃湓渡杯小起視童奴面色青滅燭危坐意  
悄悄乾坤一噫本偶然戲我何如戲坡老樓船  
六丈萬頃波我覺身輕如過鳥

宿三里甸再贈雲在上人

燒炬名蘭歇山谿一徑通炎涼隨地隔苦樂獨  
君空五字真成偈三乘著永豐夜闌禪榻共啜  
茗意何窮

借問雲何在那從色相尋人歸幽洞曉日薄大  
江陰豈有爲霖志而無出岫心浮雲看富貴岑  
寂此山深

鍾山靈谷寺八詠

蒼池松影

寺前入功德  
池蒼松環映



靈谷池中影亭亭寫照松禪枝龍虎跡梵葉雪  
霜容路轉雙林古雲藏百丈濃定知栽佛手冰  
鑑更凌冬

鼓殿鐘聲

殿無棟梁制如城  
洞擊鼓聲洪似鐘

無量齊雲殿頽廊四築墉雷音知伐鼓霜信似  
聞鐘午夜憑虛應高秋發響重兩般醒世意併  
作一枹春

銀杏棲霞

殿後白果樹高  
數丈結果極繁

鴨腳何年植離離綴似檀盤堆銀蚌裏手擘綠

晶擎佐以木魚子清於玉版芽茗禪留齒慧味  
足老煙霞

空階應掌

靠山石階數十級合掌拍之萬谷皆應

十地本圓通靈巖鎮發蒙自來虛響捷乃得妙  
音同偈悟拳頭識禪參棒喝通我來頻拍掌喧  
靜兩皆空

浮屠秋月

寺後浮屠有寶誌菩薩肉身

寶誌瞻遺像無生世界留千年山塔月萬劫木  
巢秋不礙雲閒住還宜水曲流臺城誇幻術餘

得鱸殘不

鍾阜晴雲

鍾山卽蔣山江寧府城東北

白下鍾山秀龍蟠足臥雲濃依松徑石薄透竹  
牆曠氣爽鳩呼侶秋高雁入羣六朝煙景地樓  
閣幾紛紜

曲水流觴

入功德水繞流寺中齋廚

上界清涼地寒流曲曲香覺花隨意轉活水到  
時忙似咒楞伽頂能傳般若湯醉僧方是醒孰  
與藉飛觴

清泉咽竹

泉水自竹廊中流出

卓錫飛泉古蜿蜒竹廊收空心無礙物直節出  
清流底是洗塵念兼之醫俗儔茗禪風味別濁  
劫不須愁

丁未

潁州府試院賦贈諸廣文

昔聞歐陽守佳士來如積流風數千年詩書誦  
餘澤乃如化民成俗始膠庠明經造士師之責  
儒林所貴善砥柱如御狂馬不釋策自古百川

學至海未必盡擬邱陵畫我來順昌惟拙守棘  
闡敢試量才尺崢嶸頭角總能文屈宋難逢豔  
高摘幸茲學席諸君子五經重仰叔陵作諸君  
莫厭官閒冷我亦三條燭下客居官共矢玉壺  
冰掄才明月倒海索他年快意稱無私華萼樓  
前無曳白舉觴雅會聚星堂西望西湖感芳跡  
四月十日城北劉秀才勺園牡丹盛開阜  
陽張松泉大令攜榼邀賞坐未定暴風  
大作遂罷燕還賦絕句四首

步廣雅詩金  
北郭名園甲穎中家餘四壁錦千叢儻邀康節  
先生卜繡幄應防料峭風

小圃松杉繞短籬淺紅深紫鬪妍姿阿嬌悔不  
藏金屋免妒殘春十八姨

撲面黃雲走白沙百忙爭渡穎之涯天公戲我  
清貧守恐戀人間富貴花

佩犢循聲繼者難花時強我盡餘歡他年烏牓  
門前繫再看劉家黑牡丹

陳烈婦詩二首

結襦同穴本天成把玦天涯雁偶驚

陵王百年妻把玦哀

號不食月餘死李亦以餓自盡

半世冰霜歸俠烈此心鐵石見

完貞扶孤事已呼將伯奉母人還倚阿兄夫子  
隔生緣未了肯隨溫飽逐餘生

重義輕身舊祀桓未甘貞順待題門投棺痛灑  
淄川淚合冢長畱潁水魂七字詩成應作傳千  
金璧壑豈虛論不徒絕粒酬芳俎旌節還欽  
詔語溫

六月二日郡民報飛蝗僵死秫上持稽以

獻因賦詩自警二首

民艱粒食萬畦開歉後難堪螟螣災但使普天  
皆化蜚潁川何必鳳凰來

擊鼓鳴金逐隊開介蟲聊幸不爲災僵頭抱葉  
休稱賀須記飛曾入境來

清潁書院課士畢偕張松泉裴西鷺兩明  
府勸農西湖上燕集會老堂卽席賦詩  
士居四民首造若弓受檠農爲八政先獲若身  
隨影我來一麾守春迎太平景量移汝陰邱開



田及望杏所幸雨暘時麥稔甲全省秫穀暢茂  
均秋熟冀堅穎奇哉黑頭蝗天教儒吏警民膏  
供一喝令人怒生癭勿報集田閒枯死黏秫梗  
又見飛如織相銜羣出境禾稼雖未害終夜殊  
耿耿乃知神力威不愧將軍猛江南劉猛將軍驅蝗最靈廟  
祀之我來西湖上勸農親邑井聞風襁負至人人  
鑄趙秉酬爾耕耨苦羅拜掬果餅暑扇示清涼  
老弱頗歡幸徘徊松柏間會老書題冷宴呂治  
茲郡循聲竹冊炳醉翁幹濟才垂老歸期請東

坡老居士鬚眉曾泛潁葆祠禮四賢湖上文忠  
併而今湖水涸歷歷阡陌整水肥犍沒蘆水淺  
兒戲荇戒勿開池沼多事不如省滄海變桑田  
盈虛理足憬賢宰賴張儉墾田六千頃毫田尚  
多荒牧仗裴清領游惰胥懲斥强悍貴綏靖農  
桑係勤嬉士氣重骨鯁黜申韓峻刻蔑老莊清  
淨水火兩能濟夙夜愧短綆舉觴賦長篇庶共  
勵修省

題醉翁亭二首

西湖曾宴四賢廳又到滁陽訪舊亭名醉名賢  
同不朽誰知翁醉是翁醒

淮北江南試一官太平豐樂共閑閑何當六一  
先生照寫入環滁雪滿山

戊申

壽鳳陽太守谷竹村

并序

正月廿日乃竹村壬寅歲河決落水之  
期著餘生紀略遂以是日爲生日作詩  
壽之

神仙誰道隔蓬瀛忠信衝波險自平崧嶽喜逢  
申再降禹門恰值浪初驚槎疑織女機邊渡珠  
向驪龍領下擎從此春秋應續鶴重生日紀  
餘生

魯研川廣文送別賦詩二首次韻并畱別  
諸君子

拙守澄江又潁川政無鐫腳可追前濠梁早悟  
魚非我雲棧欣逢路近天千里江淮紫蜨夢三  
春花柳喜鶯遷送予此地官心鐵恐負廉州有

道編

少小青雲路許攀而今真作地行仙三千里外

遊江渚十五年前入劔關

癸巳督餉入蜀今快遷蜀臬剛十五年

我車書來塞上輸人金穴落凡間民懷吏畏都

虛語祇此丹誠解

聖顏

己酉

成都題雞雛待飼圖呈李雲巖制府

啁菴翟初長生全在餉之畫師摹待哺

聖製廬由饑杼鬻春臺景郵傳部屋思恤民千  
古鑒願勛小臣司

林西崖觀察招遊杜少陵草堂放船錦江  
訪薛濤井登同慶閣晚酌四首

草堂風物竟何如花徑蓬門到此初唐代詞臣

眞國士漢家名相老鄰居

北距武侯祠三里許

階前拜石

頻驚馬竹裏敲雲且駐車更有殘僧邀佛寺黃  
衫朱履話徐徐

指點城南萬里橋清江新漲快蘭橈酒逢知己

忘爲客話到搜神不記朝遠岸花披晴雪遠隨  
舟鳥聽畫眉嬌春江不似秋江景未許遊人憶  
洞簫

美人宛在水之涯乘興來尋竹徑斜古井無瀾  
心可印好箋有句筆生花溪頭薄照疑舒錦樹  
杪輕煙似浣紗不識元和老使者當年幽夢寄  
誰家

豆花歷落菜花濃樂世人歌樂土逢十里江城  
喧晚渡萬家煙火聽初鐘登臨閣上胸尤闊笑

語燈前酒未慵自昔遨頭難勝此幾人冠蓋訪  
喬松

三月六日雨中代制府耕藉東郊四首

播穀重明禋東郊翠幕陳好逢三月雨先飽一  
犁春田野膏流麥千溪麴漲塵定知田畯喜優  
渥徧江岷

濯錦溪頭路煙籠竹四圍馬嘶前弩靜犬吠遠  
村微旬液連蓑袂靈膏滿繡衣澤民叨已任此  
日應春祈



負耒經生慣今勞社鼓催鞭絲垂柳重畦印落  
花開江上薛家紙籬邊杜老杯何當助清興賀  
雨亦雄哉

憶昨歡遊地婪春冒雨歸江南鳩婦醉淮北鼠  
姑肥蜀道行何易名園見亦希桐花開正好么  
鳳且于飛

御製題明皇試馬恭次元韻

益州古蹟明月觀孤鶴飛傳沙苑箭青城道士  
識仙機騏驥驪何足羨試馬不試華清宮百

匹銜杯舞侑讌畫馬不畫開元年望若雲錦能  
教戰韓幹作此幸蜀圖執鞚挽韁情戀戀鳥啼  
花落入劒門譜出淋鈴曲一段

御翰題成金鑑錄足使臣工增感歎

奉和李雲巖制府畱別元韻四首

盛世耆英感契投芙蓉舊護錦城頭瞻韓

北苑施行馬借寇南江築節樓

丙午予初守江南公五月入

觀圓明園調雨江總督

到處如攜千里續此身常著卅年

裘濠梁一別情懷邈藥籠相將未肯畱

丁未冬予觀察

鳳廬適公移節西蜀送別時僚屬餽遺悉屏辭  
不受時論以爲又手上車不取藥籠有趙都督  
廉介之風

溯古名言治蜀難塵銷六蠹萬民觀星霜昔閱

魚通苦

公金川軍營督餉五年

老健重禁燠道寒

戊申冬征巴爾

布公駐打箭鑪

且喜放衙開菊杞每逢入室有芝蘭名

齊若谷真師範四字官箴學未殫

禪關坐闢萬緣空問政商才本曲衷匝地流光

江駛裏兩川景物月明中霜枝秋老香何礙

詔語春溫意不窮此去

上林花正好蕭然鳩杖引清風

三至碑傳事豈違他年翹秀托餘菲元同卦象

畱青史伯始科名勝紫紱公孫賜進士出身自信臣心

如止水卻勞

天使駐征騂冬詔遣御醫視疾春臺耄壽虛前席未許

南山臥釣磯

庚戌

詠史十七首

趙上卿蘭相如

大勇充浩氣威聲壯邯鄲碎首睨秦柱趙璧歸  
能完濺血進秦缶趙瑟不空彈肉袒廉將軍照  
人惟膽肝

淮陰侯

韓信

國士信無雙拜將一軍驚傳檄定三秦首策孰  
與爭木罌襲安邑赤幘拔趙城臥內奪符印兆  
茲疑覺萌東下定臨淄遂使食其烹淮水龍且  
死垓下項羽阬大王功不世數蒙震主聲親信  
不背義猶豫不忍情一則謝武涉再則拒蒯生

不反王齊日而結陳豨兵至愚不出此况乃械  
都京當夫載後車待罪肉袒明胡爲羞同列快  
快鳴不平保身在明哲召禍惟驕盈惜哉淮陰  
烈給死鴻毛輕昌黎拘幽草爲子改弦賡

飛將軍

李廣

隴西飛將軍太守厯王郡石虎中偶然猿臂乃  
天分射鵬生致勇縱馬烏可訓數戰竟無功陷  
虜果誰愠降卒阮殘暴醉尉斬私忿何恨不封  
侯徒勞王朔問

大樹將軍

馮異

公孫奉牛酒始遂歸身願蕪婁上豆粥南宮進  
麥飯曉軼罷爭鋒降眾動成萬破鮪詣鄣城諸  
將尊號獻華陰赤眉平澠池桑榆健上林威震  
主咸陽嫌可遠奇兵拘邑出餘勇落門困謙讓  
有儒風大樹將軍勸

好時候

耿弇

伯昭合兩郡突騎無延緩南首鼠輩譁北道主  
人欵溫明披赤心臨淄効忠膽有志事竟成下

詔嫌疑坦

雍奴侯寇恂

子翼備文武仲華識儒將奪印叱還守氣吞懷  
壁壯委君以河內任比關中相畱潁著仁聲避  
復恢宏量誅文峻亡膽西土賴保障

伏波將軍

馬援

不作守錢虜蔑視井底蛙去就臣擇君洛陽早  
移家盜固憎主人破囂聚米沙先零資鎮撫參  
狼靖邇遐浪泊款飛鳶烏桓武空加乃乞蠻溪



行據鞏矍鑠誇終困壺頭路交讒薏苡車高義  
雲陽疏千古空悲嗟

節侯

來歙

解衣衣君叔方略思西立伏節隗囂驚開山略  
陽襲金城破諸羌隴右費安集烈烈抽刃書不  
作兒女泣雲臺廿八將姓字竟無歙

虎威將軍

趙雲

子龍介於石桂陽婚未允兩護弱主還忠貞殊  
不窘田園復益民早圖國賊殞一身都是膽君

知臣未盡

晉太傅

羊祜

叔子美髯鬚奕見而心醉大信布吳人緩帶輕  
裘治墾田八百頃軍精十年積順流委阿童忠  
謀過人智敵國號羊公仁勇全古義恩不謝私  
門功豈必已立叶賢哉師疏廣盛滿憂重位噫  
嘻折臂公峴山碑墮淚

文貞司空

魏徵

嫵媚魏元成不愧身許國君明臣願良主聖臣

行直大義均一體形迹豈存匿至公貸隱巢辰  
羸恐累德申理房杜斥告訐權李劾人苦不自  
知理屈聞言克封禪罷東山朝覲止西域養虎  
害機貽置州悔初惑竭澤魚易枯焚林獸難殖  
眊昏望昭陵諦玩慶善樂欲治鬼魅少不信人  
情塞吁嗟人義效恨少封公識十思格心非十  
慚脩隱慝酬勲賜佩刀獻納忠讜力一鑑人云  
亡西樓目空拭猶有半橐書記笏助羣職

梁國公

房元齡

孝基識房郎國器終昂霄杖策謁軍門人物收  
幕僚申結盡死力此計尤賢蕭得士仲華倫絕  
勝子房鑣故知創業難守成煩憂焦高麗一諫  
疏直哉史魚標

鄭國公

李光弼

安史撥亂臣鄭公軍政肅慢使斬以徇露背酹  
而哭匕首納鞞中三麾戰何速北馬繫乳駒火  
船又巨木建茲不世功汾陽實推轂奉詔胡遷  
延憂讒終碌碌

鳳閣侍郎

張柬之

文章誠齷齪蘇李備羽儀與成天下務安得一  
士奇柬之七十翁獨奪鳳凰池天津梟二張功  
烈鸞臺垂

白衣山人

李泌

方圓動靜詠頭角已嶄然宰相喜軟美曲江友  
忘年不錄休甫怨孝思感性天家事宜待命晨  
昏戀足賢載詠黃臺瓜一言骨肉全蜀表乃卿  
力長嘯衡山巔

起居郎

補遂良

有星孛太微天心誠未合載筆舉必書採源資  
獻納德器務養成忿兵苦騰蹋還笏殿階前顧  
命殊恩答

文貞太傅

崔祐甫

貓鼠會同乳可弔不可賀法吏邪罔觸疆吏敵  
未剉治復貞觀初時議貽孫大

馬道驛口占

怪底山中木凌冬葉不凋煙浮深淺綠日麗短

長條宴罷英雄壯

馬道驛爲樊噲故里

功成相國勞

蕭何追韓

信至此

樹人千古蹟此地合題蕭

### 題煎茶坪吾泉

廉泉飲者廉貪泉飲者貪水能易人性怪此不  
經談請看涇水流入渭濁如泔一石泥八斗澄  
之清涵涵世言渭本濁未向源頭探我來陳倉  
道煎茶且停驂碌碌風塵中吾泉倚翠嵐茲泉  
以吾名乃悟大道含相彼三尺甃有如百丈潭  
凡襟勞一漱胸吻餘芳甘造物本無私能令飲

者慚鑒此吾泉水貪廉名自諳

韓侯嶺遇安邑山長王恭壽孝廉

蕙雨蘭風記少游而今花上老人頭定知鶴算  
遙添日百歲平分我一籌

辛亥

嘉平月護送參贊海公統軍赴藏四首

萬里烏斯藏千層拉薩招班禪參妙喜達賴脫  
塵囂叩額諸番控雕題百貊朝家家唐古持別  
蚌屬庭臬



化雨真無外三汗舊獻琛

巴爾布舊有三部酋長一日布延汗一日

葉楞汗一日庫庫木汗康熙年間納貢爲三汗與藏地通貿易

穴爭同鼠雀蠻

觸起商參未許千鎰贖何難一戰擒

五十三年巴爾布乞

降遣頭人納貢

聖朝同覆幬黑子已輸忱

青海諸番道兼衣夏月過冰天無汗馬雪嶠有

埋駝地險達般嶺天通穆魯河噶達蘇屹老

此過

卽西超蹠快如何

百騎巴圖魯千員默爾庚琿弧隨月滿長劒倚

霜鳴失策憑垂仲

刺麻能卜者名垂仲

拋戈恥戴綳

番兵領

者名戴綳

由來古佛國持護仗

天兵

壬子

次韻秦芝軒中丞聽雨

黃封下廩賑赤印懸租寬蚩氓趁之戊布種肉  
已剗瀟瀟連夜雨聽之鼻觀酸甘津令人飽望  
梅止渴難自古重備虞下策慚素餐潤茲池魚  
涸捕彼倉鼠奸政去害民者驅鱸宜師韓

閱賑道中作雜詩九首

咸陽令

問政先於五日官均荒良策仗公完懷民不敢  
重懷古雙筆才如李嶠難

興平令

簇擁籃輿愧若何書生習氣肯消磨一餐十戶  
中人賦足飽饑年百戶多

興平粥廠

瘦女羸童趁遠村紛紛倒甑且翻盆日斜得粥

息息去家有衰年餓倚門

武功令

平糴虛張策尚存仲游誰笑腐儒餐煩君快指  
三千斛勝我愁酣五石樽

醴泉令

計口持籌動萬千半施饘粥半施錢定知顏舍  
重相語無竈何論竈減煙

韓城謁太史公墓

芝川煙雨幕平廬司馬坡前拜漢墟蠶室祇令

遺恨在龍門終古大名餘翼經左氏堪爭席續  
傳班生敢近居河有波瀾史有筆世閒多少未  
成書

訪三原山長王恭壽孝廉

小酌高軒興未央盤餐市遠味偏長不徒貧冷  
儲佳釀猶有雙螯饋孟光

古畫宣瓷酒一鴟半添行李半添詩端溪惠我  
尤稱雅墨會磨人老不知

宿上漲渡民家詠白菊花

最喜陶家徑未荒  
數叢冷蕊過重陽  
凝暉不怕遭梅妒  
未到霜時已傲霜

寒生虛室露華流  
坡老書中墨漬收  
人淡喜逢秋色淡  
此花應上老人頭

寶雞懷古

落日辨陳倉  
山河意渺茫  
祀雞空有霸  
哀鳥竟無良  
雪掛茶坪白  
沙分渭浹黃  
晚煙斜口路  
火炬易淒涼

喜聞廓爾喀投誠大將軍班師紀事

無量浮屠國巖疆震廟酋一年陳勁旅萬里饋  
軍籌白飯珠量少青芻桂束售宴何豐儉運佛  
汗不須流

齋斧諳奇正披圖

廟算嚴鑿開山聚米采入雪堆鹽閩外知枚卜  
師中以律占傳餐剛列陣姓字聳翹瞻

絕壁垂徽引軍懸咫尺騰援枹纔一鼓束馬會  
超乘夜冒天梯雨山推月窟冰元戎最神速翊  
贊矧機庭

免胄投槍日羣酋拜泣難葛羅心膽落僕固齒  
脣寒

帝力敷天有臣功薄海刊戢兵  
丹鳳下叩額數仍寬

法門原不二身毒半袈裟

國史傳宗卡元僧衍薩迦未教過玉壘那許渡  
金沙木石看燒卻懷荒更逐邪

紅教喇嘛沙瑪爾巴構衅伏誅

其寺在陽巴并事定後毀其寺遷其徒眾

西海饒珠錯難轡樂部諳野心



溫語草殊俗

寵恩覃瑪甲巢雲嶺

孔雀名  
瑪卜甲

郎伽出日南

象名  
郎卜

伽

堯階習干羽儀舞備陳堪

癸丑

渡象行

馴象來從廓爾喀因頓深山跡茸關蠻酋百計

出巉巖道兌欵誠喇特納

廓爾喀  
王名

憶其初出陽

布城臥雪啖冰倦騰蹻蹻努力達兩招札什

倫布布達拉慳夷安得佳飼秣忍飢且狎黃羆  
衲礪碌日行三十里竿馬屈足空馭馭金江黑  
水勢洶湧索橋皮船濟紛還水草惡劣走踉蹌  
時炒未必飽升合木魯烏蘇濟無患青海已過  
歡颯颯噫嘻黃河之水天上來象經徼外幾周  
匝臯蘭風定不揚波供張中原綵棚搭潼關我  
見數番奴身穉穉今足草蹋風陵謀渡崑崙水  
渡吏怕驚波浪沓方張布帆趣象登欵乃一聲  
穩如榻奇哉象解侏僂語此去朝

天趨

鳳閣豈知

聖主齊堯年所寶惟賢風雲合西旅貢獒越裳  
雉珍奇那貴昇平答況此馴象富都中對對充  
坊數盈卅稽稻萬束粟千鍾不比尋常餵莖荅  
有時待漏金馬門仗下亭亭守風蠟錦韉玉轡  
駕五輅背上寶餅高似塔退食偶浴城南溪鮫  
室鼉宮震喧雜噫嘻象身幸不爲齒焚脫離蠻  
瘴遊閭闔太平有象樂優游祿享天庾慶朋盍

揚州陳老人贈竹雕壽星賦詩以謝

南極老人星羅浮此君竹千年亘河漢直節傲  
巖谷似有天緣巧刻肖真面目翁本揚州鶴臞  
仙名耳熟我游終南山與翁偶信宿筵開止酒  
陶座話顛茶陸喜聽白下歌笑顧秦中筑多情  
倍少壯陳迹了無蓄靜默足延年勝彼黃精服  
得壽仁者徵愛竹君子獨綴以百二言寫照爲  
翁祝

九日還都省墓二首

報政歸來日冠裳近上台還鄉仍作客埽墓更  
喟哀楊葉堪成雨松濤待轉雷諸孫十年計佳  
木勉滋培

一點思親淚量應斗斛多斷雲橫塞影寒日透  
林柯萬里心懸旆三年腹飲河荒邱空酌酒雞  
黍恨如何

旅夜懷西安徐琴客

欲洗箏琶耳全憑太古音悠然流水意默爾遠  
鴻心月淨窗前景風停竹外吟何當孤館夜爲

易齋詩集 卷一  
我滌塵襟

冬至月奉

命以內閣學士兼副都統充駐藏大臣恭紀  
一劒霜寒興不羣

新綸拜仰列星文  
黑頭方伯虛談政  
白髮儒生壯統軍  
敢信文章誇異俗  
漫勞弓矢建殊勲  
冰銜此去清涼界

天語回春入梵雲

孫補山相公招飲絳雪書堂

指點雲根遶舞筵歡逢儒相借平泉一胸邱壑  
開心賞半畝林塘續舊賢楊升庵先生舊宅看竹卻憐  
抽筍日折梅剛及放花天草堂未許嘉名獨更  
有書堂錦里傳

林西崖廉訪餞席志別

竹圃桐軒憶舊遊

臬署且園

小山依樣疊嵐幽懷人

燮道成陳迹

西崖前歲從戎衛藏

送客蓉城得少畱柳往

雪來家萬里花朝月夕夢三秋何當西社靈么  
鳳也集楞伽頂上頭

步齋詩集 卷二  
畱別聞鶴村徐玉崖兩同年

古香簷外茁寒梅

藩署亦園

檢點霜根手自栽  
蘭譜

重逢人漸老花時一醉歲仍催  
酪酥舊識叩籠  
出翰墨從教庫露開  
最喜魚通平似席  
郵傳和  
仲宅西來

城南道上

萬里橋西芝徑斜  
水村遙起倦飛鴉  
竹參鳳尾  
晴添翠豆種蛾眉  
臘放花懷古風雲通八陣  
化  
民劒憤首三巴  
自慚竹馬難題句  
惆悵前溪子



美家

過嚴君平故里

術也通乎道先生道術全能猜天上石卻下日  
中簾康節遺經古東方謫諫賢誰知君賣卜揚  
子得薪傳

望蒙山

蒙頂仙茶種

最高峯產仙茶名觀音茶

陽春受氣全高承甘

露液

山頂時降甘露

低覆梵音泉

山麓懸瀑布名梵音泉

鐵壁鉤

雲外銀餅貢火前

每歲清明前貢觀音茶

此山龍虎守那

許陸生顛

除日抵雅州度歲

一覽金雞口前旌入雅安年華驚歲杪行李半  
雲端蔡旅橫蒼壁平羌吼急湍江山壯如此除  
日等閒看

甲寅

大關山

初識關山險人爭腳馬拖

土人以鐵齒東  
足底名腳馬

玉華

高級樹冰乳倒垂蘿氣迓肩輿逼光疑目鏡訛

雲天連一色不辨路嵯峨

相公嶺

蜀相名傳嶺摩空雪嶠盤動搖銀海眩呼吸絳  
宮寒磴滑人頽縋梯危馬脫鞍更從峯頂望萬  
頃玉闌珊

飛越嶺

天險設雄關巴西控百蠻雲門高不鎖雪海靜  
無瀾馬喘危欄角人驚缺磴彎籃輿輕一葉拽  
惹我航山

頭道水瀑布次孫補山相公韻

水晶簾掛影重重鶴駕瀛洲第幾峯山澤氣通  
泉出石地天交泰雨飛龍但希題壁畱青眼何  
礙層雲盪素曾潤到前川流不斷尋源此日翠  
崖逢

次建昌觀察徐玉崖同年韻二首

雲檣月舫小平樓百尺寒光一劒收忽仰天池  
詩掛壁繚情同日到瀛洲

憑誰咒嶺出飛泉鎮日懸流吼屋前但挽銀河

洗兵甲一牀風雨總安眠

出打箭鑪

潼關以河雄劒閣以山壯在德不在險何乃爭  
扼吭嗟此彈丸城蠶叢列屏障四壁森巒岼魚  
通激奔浪羌髯鳴其雄地利乃足仗我

朝聲教敷無遠弗內向宣使甲爾參繼絕本阿  
旺所部三萬戶輸糧兼供帳漢番左語通浮圖  
俗習尚市集販茶布富與都邑抗北達青海風  
南接蠻嶺瘴外戶此發軔西指康衛藏猶聞郭

將軍血食致惆悵

郭達鑄劍於此祠廟尚存

### 東俄洛至臥龍石

朝發東俄洛山均布羣髮迢迢大雪山萬頂覆  
銀甌皎然無黑子寒光射酸眸絕頂矗鄂博哈  
達紛垂旒乃有高日僧蹋雪迎道周敦多伽木  
嗟紅帽薩迦流幃帷獻酥茶聊以金帛酬西南  
循鳥道玉沙畫而修前驅烏帽沒乃知下危溝  
蒼松密排拶萬幢懸碧油峭壁五色燦連岡四  
面幽宿宿臥龍石夜半魂夷猶

中渡至西俄洛

朝渡雅隆江浮梁乃舟造山谷爲我廬又入西  
南奧深林蔽天日人跡真罕到凜冽刺毛骨蜩  
縮馬牛蹕小憩麻蓋中有如出冰窖誰知鏡海  
上雪比琉璃曜日華眩素彩護眼青絲罩卅里  
波浪工白霓愁遠嶠所欣陰暄合絕頂快覽眺  
四圍山臥平萬疊雲垂倒僕從忙戒嚴此閒多  
劫盜潛居黑帳房長年無井竈弓箭各在腰刀  
劒時懸鞘斯言咄可怪我乃粲一笑飢戶守荒

山荒山多虎豹呼取來堪來爲我作嚮道

宿頭塘

阿喇柏桑西喜宿頭塘早罡風搖板廬孤枕雪  
壓腦挑燈不成寐默坐紆懷抱硯凍墨不濡指  
直筆敲倒今夜莫吟詩吟詩定郊島呼童磨復  
眠起視漫天縞郵番促晨裝長絳鼈牛套且去  
問前途冰鏡滑如埽

小歇松林口

曉渡三壩山俯仰如桔槔兀坐籃輿中冰珠生



睫毛忽下仇池底別有洞天高仙掌岫千仞佛  
幢松萬旄泠泠澗泉響而無鳥雀嘈革橐出腊  
脯銀餅傾玉醪小酌據胡牀亦足以自豪幽人  
快奇興莫當寒蟲號

### 大雪封瓦合山阻察木多寺

虎踞龍蟠地西天第一門

康衛藏爲三藏察木多康也爲三藏之一

雙橋環古寺

左四川橋右雲南橋

半載訪真源信宿登雲

路羈遲臥旅魂開山三月暮冰雪丈尋屯

### 雪後度丹達山

丹達寒山暮青燈古廟存小心驚旅夢好語慰

忠魂

予作丹達山神贊懸於廟

雪頂千迷道冰城一綫門扶

筇安穩度天險不須論

三月抵前藏渡噶爾招木倫江

即藏布江源出阿耨

達山前藏東門戶也

百川盡東注此外獨西流驚嶺千年雪恒沙萬

里洲吐龍知冷煖渡象辨沈浮悟到朝宗意乾

坤海一漚

此水入南海

大招寺

北轉三輪地西來五印天雪颼金殿瓦風靜鐵  
門簾古柳盟碑在唐柳曇雲法象傳唐家外甥  
國贊普跡蕭然

小招寺

唐公主思念長安故造  
小招東向內金殿一

左計悲前古和親安在哉烏孫魂已斷青塚骨  
成灰獨有金城座長畱玉殿隈大招今有  
唐公主像千年  
香火地應作望鄉臺

布達拉

佛閣上層霄橫枝法嗣遙南浮炎海日東下浙

江潮

布達普陀也拉山也天下普陀有三一在甲噶爾南海中卽厄訥特克國一在浙江

南海中一在烏斯藏皆觀音大士化現之所也

自在除煩惱真空鎖寂

寥干戈無限量那復問銀橋

上有銀橋唐公主造兵火後久無存

### 木鹿寺經園

華夏龍蛇外天西備六書

唐古特字甲噶爾字廓爾喀字厄訥特克

字帕兒西字合之蒙古字重譯六書

羌戎刊木鹿儒墨辨蟲魚寺

建青鴛古經馱白馬初何如蒼頡字傳到梵王

居

第穆呼圖克圖園中牡丹將謝遂不果遊

喜園樂樹飽霜風渺渺禪棲韻不同身作天香  
花作相要知無相是真空

金本巴餅簽掣呼畢勒罕

古殿金餅設祥晨選佛開誰家聰令子出世法  
門胎未受三塗戒先憑六度媒善緣生已定信  
我手拈來

前藏書事答和希齋五首

梵閣凌空起豐碑表更華十全垂

翰藻萬古老煙霞信有園遊鹿虛無鉢咒花請

看西嶺雪絕頂不飛鴉

奇哉天地葬絕少中心泚未解化兇殘云何參  
妙喜掩藹教始興刻木風期美安穩便蒼生是  
爲真佛理

婆心敦素風法性寬愚俗歲祝麥禾黃村謳山  
水綠減汝佛廬征爲渠平屋足所幸人熙熙長  
年無折獄

戒殺不談兵疆場誰用命灞上兒戲軍閫外書  
生令魚陣布森嚴柳營看峭正樓居千萬家得

養雞栖性

萬里巖疆重

皇家設教神空餅開善種堅壁走強鄰解語花  
應笑忘機鳥亦親百年如寄耳雲路悟前因

輓李雲巖制軍二首

夫子真廉靜繁華一洗空官箴欽若谷易卦仰  
元同白髮抽身早青山別夢中雲西風燭淚冷  
照耄齡終

萬里驚沙客難禁哲萎悲

子癸丑駐藏甲寅夏始聞先生卒

全

歸尊宿老舉世失心師弔鶴無緣爾騎龍信有  
之兩行知已淚不盡寫哀詩

色拉寺題喇嘛諾們罕塔

叢林百丈開几案羅金玉笑問塔中僧可曉傳  
燈錄僧食肉流骨肉山徹骨俗肉僧骨已枯骨  
山藏活肉我輩受孔戒護汝十萬禿塔僧若有  
靈可鑒前車覆天威薄海西絕徼少飛鏃文令  
需可人武滿何曾黷半藏我聊轉全峯老猶蠹  
悠謬青石梯荒唐白玉局舉觴漫問天且作長



城築

中元夕書懷

北斗臨鄉國中元憶少齡荷燈千葉月火樹一  
林星花果空王獻孟蘭法會靈十年虛埽墓風  
雨故園聽

和希齋贈橄欖并放生青羊致謝二首

維摩示病愧如來

時小恙方愈

木叩金鳴總未開忽

湧湧泉憑諫果果然此味美於回

巫俗獮羝本異鄉誰知豢熟有靈腸儻逢煮鶴

燒琴手一飽何論未見羊

出巡後藏夜宿僵里

萬里客中客初登聶黨程河山環野暗霜月帶  
沙明別寨燈燃夢婪杯酒繫情五更風定後落  
葉枕邊聲

過巴則嶺

一名西崑崙

曳罷鼇牛緯聲聲舁老竿石林穿有徑江溪俯  
無瀾坡仄羣羊叱天空一鶚寒世途多險隘行  
路豈知難

宜椒道上

一劒寒暄割西風撲面驕冰堅銀闕聳雪捲玉  
塵消驛騎經時少人煙著處遙漫爭馳快馬前  
路有危橋

抵後藏宿札什倫布

竺國羈臣肅天涯拜

聖顏口傳

溫語詔心度化人關梵唄空中放神光到處攀  
西南千里目喜眺塞雲閒

晤班禪額爾德尼

十四年前佛童男幻作真年甫十二劫來逢隔世猶

是悟前身庚子予在京師曾會前輩班禪慧業聊應爾靈根信

不泯莫嫌予強項千佛轉隨人

望多爾濟拔姆宮寺在海中相傳斗母化現之地住女呼圖克圖

摩利支天蹟流傳拔姆宮斗移星野外豕化博

蠻中昔藏地遭亂斗姥化豕逐賊遁去拔番語豕也弱水飛難渡靈仙

入望通未知嫫女性結習可曾空

古柳行曲水江岸

柏生兩石閒鬱鬱不得長高岡有梧桐鳳凰鳴  
下上物生各異地同歸大塊壤嗟此古柳樹杈  
枒根崛強兩幹倚崖畔蔭可十畝廣一幹臥江  
干水面浮槎瀆薄植落蠻鄉盤錯千年獎緬我  
中原道簡書閱來往作絮任飄零繫馬遭嚙癢  
城市供勞薪斫削等榛莽造物無棄物因材篤  
豈枉仙人木癭瓢太乙青藜杖苟足適於用取  
資定不爽茲柳生不材臃腫拳曲像雨露幸無  
私枝葉久培養託根井鬼方上列柳宿象古柳

古柳兮作歌慰慨慷不爲枯樹悲無取假山賞  
天矯若游龍生意空摩盪汝壽全天年江山獨  
偃仰

送別和希齋制軍之蜀十首

自度魚通水巉巖萬古稀冰餐鴉攫肉雪臥犬  
牽衣夜怖楓人度朝看颺母飛暮春投館後邊  
日靜寒暉

岡洞聲無賴

喇叭吹人脛骨

晨喧大小招磨盤江活活

筆硎柳蕭蕭犬馬馳青坂籃輿走碧橋幾回明

月夕平閣舉杯邀

蹇步追攀興清談快隔晨異方歡處少鄉味共  
時親儻蕩遺今古掀捩忘主賓天涯風雨夜巧  
遇對牀人

西向軒臺射分朋東矢抽豈爭王濟駁聊試魏  
舒籌地闊千年雪人披萬里裘百蠻觀似堵那  
獨爲防秋

達賴勤人事寒暄問早衙盤蒸雲子飯壺瀉乳  
酥茶毳衲還虛寂籠官靖譟譁北山三藏跡誰

見曼陀花

五竺

皇仁普千秋樂止戈銜刀觀市舞蹋地聽林歌  
蠻女招松石番僧鬪海螺

天慈勞口喻高枕在人和

此別堪稱賀臨歧轉黯然遙岑添瘴雪落日暗  
蠻煙離緒千鍾洗鄉心竟夕燃寸懷山岳重不  
盡浣溪箋

諸葛勲名地流傳治蜀嚴巴渝占坎習邛笮苦



山兼有木皆交讓無泉不飲廉化行頑梗俗休  
負萬民瞻

釜底看城郭迢迢玉壘關更穿千丈雪又出萬  
重山信美非吾土懷歸想別顏飛車如可到何  
苦夢中還

轉燭三秋客成都把酒杯閨桐他日老慈竹舊  
時栽行李冰霜重鬚眉電露催幸無多酌我留  
醒看紅梅

易簡齋詩鈔卷一終